



# Nunatsinni Nakorsaaneqarfik

**Motorcykelertilluni, snescooterertilluni knallertertilluniluunniit niaqorornaveeqqummik aalajangikkamik atuisussaatitaanermiit atuinnginnissaq pillugu immikkut akuerineqarnissaq pillugu ilitssersuut**

**Ulloq 1. juni 2009**

## 1. Aallaqqaasiut

Justitsministeriap inatsisaani nr. 832-mi, 18. december 1991-imeersumi (Kalaallit Nunaanni angallaneq pillugu inatsit) aamma inatsimmi nr. 497-imi, 17. juni 2008-meersumi (Kalaallit Nunaanni angallaneq pillugu inatsisip allannguutaa) § 40-mi allassimavoq, motorcykelinik, snescooterimik knallertimilluunniit aquttup 15-ileereersimasup angalaarnermi nalaani niaqorornaveeqqummik aalajangikkamik atugaqartassasoq. Aquttup isumagissavaa ilaasut tallimmeereersimasut, sulili 15-iliineqanngitsut, niaqorornaveeqqummik aalajangikkamik atugaqartussaatitaanerat. Niaqorornaveeqqummik atuisussaatitaasarnissaq atuutinngilaq angalaarnermi isumannaallisaanermut qiteqummik atuisussaatitaasoqaraangat, biilinillu qimatsivinnut, iluarsaassisarfinnut, iluarsaaveqarfinnut assigisaannulluunniit angalaarnermi.

Taamatuttaaq § 40, imm. 5-imi allassimavoq, niaqorummik atuisussaatitaanermiit atuisussaatitaannginneq pisuni immikkut ittuni politiit peqqussutigisinnaagaat.

Nunatsinni Nakorsaaneqarfiup Kalaallit Nunaannilu Politimesterip isumasioqatigereernerani, nakorsaasarnermi pisuni immikkut iluinnartuni atuinnginnissaq pillugu immikkut akuersissutigisinnaavaa.

Inatsisip siunertaraa niaqorornaveeqqummik atuisarnissap nukittorsarneqarnissaa, taamaattumik nakorsaasarnermi peqquteqartumik immikkut akuersissuteqartarnissami inatsisip siunertarisaa sianiginiarneqartassaaq. Taamaattumik immikkut akuersissuteqartarnissami eqqarsaatigilluarneqartassaaq, immikkut akuersissuteqartarnissamut iluaalliuutit pequtaatinneqartussat eqqarsaatigilluarneqartarnissaat, ima pinartigissasut, immikkut akuersissuteqarnerup kingunerisinnaasaasa aquttumut ilaasumullu ajoqusersinnaanerit isuman-naarsimassagai.

## 2. Periaasiususaaq

### 2.1. Immikkut akuersissuteqarneq nakorsamit nalunaarutigineqartassaaq

Immikkut akuersissuteqarneq nakorsamit, nunap immikkoortuani nakorsamit nakorsamilluunniit immikkut ilisimasalimmit nalunaarutigineqassaaq. Nakorsaq isumaqarpat, immikkut akuersissuteqarnissamik peqqusinissap akuersarneqarnissaanut peqqissutsimut tunngassuteqartut nalorninartoqartut, nakorsap Peqqinnissakkut Nakkutilliisoqarfimmut apeqqut tamanna ingerlateqqissinnaavaa.

### 2.2. Piffissap ilaanna imaluunniit "akuersissuteqarallarneq"

Peqqissutsimut tunngassuteqartut piffissami sivikitsumi atuinnginnissamut pequtaatinneqassagaluarpata, uppernaasiisarnissaq piffissamut aalajangersimasumut atuutsinneqartassaaq. Taamatuttaaq "uppennarsaat akuersissutaagallartut" tunniunneqarsinnaavoq. Taamaallilluni pisuni taamaattuni, ataavartumik allannguuteqarneq pisimalissagaluarpat, atuinnginnissamut pisussaaffiup iluarsiivigineqartarnissaa periarfissaqartassaaq.

### 2.3. Uppennarsaat

Nakorsap immikkut akuersissuteqarnermini uppennarsaat marlungorlugu immersortassavaa. Aappaa pineqartumut, biilernermini akuersissutaagallartoq uppennarsaat nassataqartarnissaanik pisussaaffeqartinneqartussamut, tunniunneqassaaq. Immersukkap aappaa nakorsap uppennarsaasiisup tigumiartartussaavaa.

## 3. Immikkut akuersissuteqarnissamut peqqissutsimut pissutsit tunngavilliisinnaasut

### 3.1. Pukusuup qungatsilluunniit nukiisa inerilluarsimannginnerat

Pukusuup qungatsilluunniit nukiisa inerilluar-

simanginnerat ima annertutigippat, pineqartup niaqorornaveeqqut akuerisaq atorsinnaassanagu, tamanna immikkut akuersissuteqarnissamut peqqutaatinneqarsinnaavoq.

### *3.2. Qiteqqakkut nappaatit*

Qungatsip qimerluini ajoqutit, discusprolaps imaluunniit taqqakkut ajoqutit iluaalliuutaa-sinnaasut immikkut akuersissuteqarnissamut peqqutaatinneqarsinnaapput.

### *3.3. Niaqqukkut innarluutit*

Siornatigut niaqqukkut suliaritinnerit immikkut akuersissuteqarnissamut peqqutaatinneqartariaqanngillat. Niaqqukkut ajoqutit taamaassinnaasut niaqorummik aalajangiisinaanermik akornutaasinnaasut immikkut akuersissuteqaataasinnaapput. Inunnguuseralugu imaluunniit alleqqukkut ajoqutigilersimasat nalinginnaasumik niaqorummik atuinissamut akornutaasinnaapput.

### *3.4. Niaqorlorujussuartarnerit*

Niaqorluttarnerit, niaqorlorujussuartarnerit nalinginnaasumik niaqorornaveeqqummik atuinnginnissamut peqqutaatinneqarsinnaanngillat.

### *3.5. Tusartaatit isarussalluunniit immikkut ittumik tusartaatitallit*

Isarussat nalinginnaasut niaqorornaveeqquteqarluni atorneqarsinnaasassasut, taammik imaluunniit isarussat immikkut ittumik tusartaatitallit atuisarnerit tamatigut akornutaasarsinnaapput, niaqorornaveeqqutit immikkorluinnaq suliaasimangikkaangata. Tamatuma kingunerisariaqanngilaa, tusillassimasut niaqorornaveeqqummik atuinnginninnissaat.

### *3.6. Ammikkut nappaatit*

Pinartumik sivikitsumilli ammikkut nappaatit ammimi niaqorornaveeqqummik qallersimaneqarpata, piffissamut aalajangersimasumut immikkut akuersissuteqartoqarsinnaavoq. Immikkut inuunerup sinnera nappaateqarneq pineqarsimappat, nakorsamit ammit nappaataannik immikkut ilisimasalimmit immikkut akuersissuteqartarnissaq aalajangiiffiqineqartariaqarpoq.

### *3.7. Tarnikkut pissutsit allallu*


Uppernarsaasiisarnissaq tarnikkut nappaatinut immikkut ilisimasalimmit isumagineqartariaqartassapput.

## **4. Uppernarsaat**

Uppernarsaatitut immersugassaq NUN-2-09 atorneqartassaaq.

Ilitsersuutip matuma ”Motorcykelinik knallartinillu ingerlatsisarnermi niaqorornaveeqqummik atuisaataitanermiit immikkut akuersissuteqartarnissaq pillugu ELI-p ilitsersuutaa” 20. november 1995-imeersoq taarsissavaa.

Nunatsinni nakorsaaneqarfik, ulloq 1. juni 2009

  
Flemming Kleist Stenz  
Nakorsat qullersaat

